

## Hapšenja zbog višemilionskog kriminala

# DRŽAVA RAZBILA MARKETINŠKU MAFIJU!



Među osumnjičenima su Neven, Belma i Sanjin Kulenović, Lajla Torlak, Darko Aleksić, Stipe Prlić, Zoran Bakula, Senad Zaimović i Ejub Kučuk • Terete se za organizirani kriminal, odnosno da su oštetili državu za 5 miliona eura



Osumnjičeni, prema tvrdnjama Tužilaštva BiH, bili uvezani u mrežu pranja novca preko off-shore računa

**D**ržavna agencija za istrage i zaštitu (SIPA) po nalogu Tužilaštva BiH jučer je od jutra provodila akciju kodnog naziva „Gibraltar“.

Više stotina pripadnika SIPA-e i pripadnika policijskih agencija koje su pružale podršku u akciji, na terenu je vršilo hapšenja, pretrese i privođenja, usmjerena na devet

osoba koje su bile meta ovih aktivnosti.

Pretresi su izvršeni na 17 lokacija diljem Bosne i Hercegovine.

2.-5. strana



Page: 2

Reach: 50000

Country: BOSNIA AND HERZEGOVINA

Size: 1887 cm2

2 / 3



Jučer ispred upravne zgrade „HT Eroneta“ priveden Prlić

**AKCIJA GIBRALTAR** Pripadnici SIPA-e hapsili i pretresali objekte

# Razbijena hobotnica marketinške mafije

Osumnjičeni se terete za organizirani kriminal i stjecanje protivpravne koristi • Pretreseni objekti HT-a Mostar i marketinških agencija SV-RSA i „Fabrika“

Državna agencija za istrage i zaštitu (SIPA) po nalogu Tužilaštva BiH jučer je od ranih jutarnjih sati provodila akciju kodnog naziva „Gibraltar“, koja je podigla veliku prašinu i izazvala interes javnosti, s obzirom na to da se među uhapšenima nalaze poznate osobe iz javnog života.

## Štetni ugovori

Akcija je izazvala šok posebno na medijskoj sceni, a neodoljivo podsjeća na aferu „Fimi-Media“ iz susjedne Hrvatske, iz koje se izradio niz optužbi na osnovu kojih je na višegodišnji zatvor osuđen bivši premijer

te zemlje Ivo Sanader.

Više stotina pripadnika SIPA-e i službenika policijskih agencija koje su pružale podršku na terenu jučer je hapsilo i obavljalo pretrese u akciji usmjerenoj na devet osoba, direktora i vlasnika telekomunikacijskih, marketinških i medijskih kompanija.

U ovoj akciji uhapšeni su Neven Kulenović, direktor marketinške agencije SV-RSA, Belma Kulenović, Sanjin Kulenović, Lajla Torlak, glavna i odgovorna urednica i direktorica marketinga „Pinka BH“, Darko Aleksić, direktor „Mreže Plus“, Stipe Prlić i Zoran Bakula, visoki

**17**

lokacija na kojim je izvršen pretres

**Milioni**

maraka iz kompanija u državnom vlasništvu preko agencija išle na tajne račune

dužnosnici „HT Eroneta“, Senad Zaimović, direktor marketinške agencije „Fabrika“, dok je osumnjičeni Ejub Kućuk iz agencije MITA bio izvan države. Kućuk je sinoć iza 22 sata ka-

zao za „Avaz“ da se nalazi na putu za Sarajevo i da će se ujutro javiti u SIPA-u.

Uhapšene osobe privedene su u službene prostorije SIPA-e, gdje će se nad njima izvršiti kriminalistička obrada, nakon čega će biti predate Tužilaštvu BiH na daljnje postupanje. Nadležna tužiteljica Dragica Glušac danas će odlučiti za koje će osobe biti zatražena mjera pritvora.

Pretresi su obavljani na ukupno 17 lokacija u Sarajevu, Mostaru, Posušju, Grudama. Osumnjičeni se terete za krivična djela organiziranog kriminala, a u vezi sa zloupotrebom položaja ili ovlasti, sklapanjem štetnih ugovora, poreznim utajama, pranjem novca i nezakonitim transakcijama. Istragom je utvrđeno da su članovi organizirane kriminalne grupe nezakonitim radnjama na osnovu krivotvorenih ili štetnih ugovora i faktura stekli protivpravnu

imovinsku korist u iznosu većem od pet miliona eura.

Pretresi su jučer u Sarajevu izvedeni na nekoliko lokacija agencija i privatnih objekata, a pratili su ih reporteri „Dnevnog avaza“.

Od ranih jutarnjih sati trajao je pretres prostorija marketinške agencije SV-RSA u Sarajevu. Kako saznajemo, policijski službenici SIPA-e pročešljali su svu dokumentaciju, a potvrđeno nam je i da su pregledali računare i ostalu informatičku opremu.

Prostorije i opremu jučer su pregledali i informatički stručnjaci, koji su vršili uvid u podatke u računarima. Osim prostorija, četiri policijska službenika u civilu u prisustvu radnice agencije pretresli su i putničko vozilo Opel u vlasništvu marketinške agencije SV-RSA.

Meta pretresa bila je i marketinška agencija „Fabrika“ u Sarajevu, čiji je vlasnik Senad Zaimović. On se



**KRISTINA JOZIC:**  
Kupovali skupocjene objekte

## Stekli imovinsku korist od pet miliona eura

Uhapšene osobe osumnjičene su za krivična djela organiziranog kriminala, finansijskog kriminala i korupcije: krivotvorenje službene isprave, zloupotreba službenog položaja ili ovlaštenja, pranje novca, porezna utaja, carinska prevara, davanje i primanje dara ili drugih oblika koristi, kao i druga krivična

djela, kazala je Kristina Jozić, portparol SIPA-e.

Istražnim aktivnostima utvrđeno je da su članovi organizirane kriminalne grupe nezakonitim radnjama na osnovu krivotvorenih ili štetnih ugovora i faktura stekli protivpravnu imovinsku korist u iznosu većem od pet miliona eura.

- Ova sredstva izvučena su na račune offshore kompanija u inozemstvu. Dio novca zadržan je na računima tih kompanija, a dio je prebačen na račune osumnjičenih osoba u inozemstvu, a korišten je za kupovinu skupocjene imovine u inozemstvu - kazala je Jozić.





Pretnes izvršen u agenciji SV-RSA Nevena Kulenovića: Ključni faktor u lancu malverzacije (Foto: B. Nizic, I. Sebalj)



Na saslušanje u Lukavicu privedena i Lajla Torlak



Privođenje u SIPA-u Senada Zaimovića

## u Sarajevu, Mostaru, Grudama i Posušju



**STIPE PRLIĆ** (1958.) predsjednik je Uprave „HT Eroneta“. Rođen je u Imotskom, a u sektoru pošta i telekomunikacija je od 1979.



**ZORAN BAKULA** (1964.) izvršni je direktor za pokretnu mrežu u „HT Eronetu“ od 2007. Završio je elektrotehniku u Splitu, a u telekomunikacijama je od 1995.



**NEVEN KULENOVIĆ** (1967.) direktor je marketinške agencije SV-RSA. Uhapšeni su i Sanjin Kulenović (1970.) i Belma Kulenović (1972.), uposlenici te agencije.



**LAJLA TORLAK** (1978.) zamjenica je generalnog direktora „Pinka BH“. Rođena je u Sarajevu i već više godina radi na ovoj televiziji.



**DARKO ALEKSIĆ** (1965.) direktor je „Mreže Plus“ te je suvlasnik ATV-a. Još 2011. bio je povezan s pranjem marketinškog novca.



**EJUB KUĆUK** (1973.) direktor je agencije MITA, koja egzistira od 1997. Poslovanje agencije prošireno je na Austriju i Tursku.



**SENAD ZAIMOVIĆ** (1964.) vlasnik je marketinške agencije „Fabrika“ iz Sarajeva. Bio je programski direktor Televizije OBN i direktor marketinga TVSA 3.

u tim trenucima nalazio u Hrvatskoj. Pretres je počeo u ranim jutarnjim satima, a mjesto je čuvala policija MUP-a Kantona Sarajevo.

### Privatni objekti

Inspektor SIPA-e došao je prije 11 sati.

- Jedino što vam mogu reći jeste da će pretres trajati nekoliko sati. Zatim će se sačiniti zapisnik. Kao što vidite, mjesto obezbjeđuje policija KS - rekao nam je inspektor.

Oni koji žive i rade u blizini sjedišta „Fabrike“, u Alipašinoj ulici, ništa nisu vidjeli niti čuli, i iznenađeni su akcijom koja je uslijedila.

- Ove ljude iz „Fabrike“ znam nekoliko godina. U blizini zgrade u kojoj se nalaze je moje radno mjesto. Ne znam šta su toliko skrivili da su meta pretresa. Iako sam došao na posao prije sedam, nisam vidio kada je policija stigla - rekao nam je Sarajlija, koji je zamolio da ostane

## Tužilaštvo: Oštetili su budžet

Po nalogu tužioca Tužilaštva BiH, jučer od ranih jutarnjih sati više stotina policijskih službenika Agencije za istrage i zaštitu BiH (SIPA) i policijskih agencija koje pružaju podršku u akciji, na terenu su izvršili hapšenja, pretrese i privođenja, usmjerena na devet osoba, saopćeno je iz Državnog tužilaštva. Pretresi su obavljani na ukupno 17 lokacija.

- Radi se o osobama osuđenicima za kaznena dje-

la organiziranog kriminala, a u svezi sa zloupotrebom položaja ili ovlasti, sklapanjem štetnih ugovora, porječnim utajama, pranjem novca i nezakonitim transakcijama u višemilijunskim iznosima - saopćeno je iz Tužilaštva.

Istaknuto je da su finansijskim malverzacijama koje su predmet istrage, budžet naše zemlje, a samim tim i svi građani, oštećeni za višemilionske iznose.

## Dio predmeta u Tužilaštvu HNK

Iako se očekivalo da Tužilaštvo HNK, koje je okončalo istragu, donese konačnu odluku u predmetu „Eronet“, preokret se dogodio početkom septembra kada je Specijalno tužilaštvo Slovenije, koje je vodilo istragu protiv Prlića, Bakule i Kulenovića zbog pranja novca u slove-

nskim bankama, putem Državnog tužilaštva, zatražilo očitovanje o tome hoće li Kantonalno tužilaštvo u Mostaru preuzeti ovaj predmet ili pružiti pravnu pomoć.

Saznajemo da je jedan dio ovog kompleksnog predmeta ostavljen u Tužilaštvu HNK.

anoniman.

Nakon nekoliko sati koliko je trajao pretres, inspektori su iznijeli dokumentaciju, a Zaimović je oko 18 sati stigao u Sarajevo te je odmah priveden u zgradu SIPA-e.

### Sakrio lisice

Svega deset dana nakon što je Državno tužilaštvo naložilo Tužilaštvu Hercegovačko-neretvanskog kantona ustupanje predmeta o malverzacijama u „HT Eronetu“, jučer je otpočela akcija „Gibraltar“. U 13.5 sati pripadnici SIPA-e su iz upravne zgrade s lisicama na rukama izveli direktora „Eroneta“ Stipu Prlića.

Prliću je očigledno bilo ne-

ugodno pred brojnim novinarskim ekipama te je rukave sakao navukao preko ruku kako se ne bi vidjele lisice. Prlića, koji se tokom istrage u Tužilaštvu HNK vodio kao prvoosumnjčeni, inspektori SIPA-e iznenadili su na radnom mjestu. Iz upravne zgrade su inspektori nakon višesatnog pretresa izuzeli određenu dokumentaciju.

Donedavni izvršni direktor „Eroneta“ Zoran Bakula uhapšen je u „Eronetovom“ objektu u ulici Kralja Tvrtka. Također, obavljen je pretres njihovih kuća u Grudama, odnosno mjestu Sovići, gdje Prlić ima porodičnu kuću, te Posušju, gdje živi Bakula. E. D. A.